

## Apënëtal and ar gë ocambenjar oki aŋ (Luk 15.11-32)

Ata re ko bëte Yesu: Ako ri baxo ar gë ocambenjar oki. Akey amat, ibeja in fel këŋo sëm: Faba, yëlële ošet oram ol gër napul ir këmi bëteliđ. Ata sëm šetëndër këbi napul in. Ga xeyërak təkër, šambenjar ibeja in barëra ko đek acota andexëm aŋ do kwël y'e ko në ebar ed caw. Fën gër ed ebaxo, nëxendëra ko đek napul irexëm in gë ošëxwëpët. And faỹ ko aŋ, bayi ko taxan. Ata fëtëk enjo gër ebar elo. Enjo eŋ ga xumak, lil ko oxadac or bambëxwëbëxw. Aỹandi baŋo yãndind exo yamb bebër banëbi xobën bambëxwëbëxw bën, bari ala abaŋo yëlëna. Amëd aŋo fëris këŋo onden oŋ, ata yãna ko ko yëlarand: aseđ fo këni sebënd ecemar el bër andiyen bën gër ndebi. Do wëno këme rind me nemi enjo eŋ ro. Maỹil eme saxëk. And këme ĥat aŋ me de: E faba, anëka wënan këmo Kaxanu do anëka wënan këmi. Ado ame boxëna itox indey! Këreye macënd na asëñiwën! Gil eme ar andiyen andey fo. Ga yëlara ko mondako, na xani ko wëyi. Caw fo bayiw baxo, ga wat këŋo sëm. Ga xaỹënan këŋo, xacëra këŋo gë ongër fo, wëga këŋo gër egëla. Ata re ko asëñiw: E faba, anëka wënan këmo

Kaxanu do anëka wënan këmi. Ado ame boxëna itox indey! Këreye macënd na asëñiwën! Barikan, sëm fel këbi bër andiyen bën: Maraliwën acud and gë oñajën aḡ. Bakino inḡenin do pedino baped baḡ. Yebuno engaŝ eḡ eno ḡaŝ. Doro ofëna osëm këno rin asëñiwën. Yowën, er yëla bame anemi nemi ko barikan anëka wwayiwëk ko abëngw. Anem nem bamo anëka wat këmo. Ata yowëraw këni gër ofëna. Amëd aḡo, ŝambenjar ixarëk in ga ko wwayiw genëka, wël ko ango eḡ aḡ, bela bën ga këni wandëra gër yangana. Ata wac këḡo ar andiyen abat eḡo mëkara ba ine ex gër iciw. Yaka ko: Abinëx wwayiwëk do gayik abëngw fo h̃atu ko, sorix h̃aŝën këḡo xwëlëkwël in. Mëḡ ga xoḡ ko na, h̃isa ko ofëna el. Ata sëm xani ko eḡo macu. Ga këḡo yifara exo h̃at gër iciw, yaka këḡo: Bëniy bënd anjëm riyenin këmi ang xadëp fo do elod ami mëŝene na. Bari elod aḡe yële na imeci mo ḡaŝ wëno gë bëcandawën bën. Barikan and h̃atu ko asëñix aḡ, h̃aŝën këy'o yer engaŝ eḡ, xarak mëḡ yambëk napul irey in gë bësoxari bëŝëxwëpëtaxik. Ata re ko sëm: Oko asëñiwën, wëḡ elod aḡe tebe na do eram in er ey ex! ḡatu gër ofëna or rin këmo abinëx ir yëla bame anemi nemi ko barikan anëka wwayiwëk ko abëngw. Anem nem bamo anëka wat këmo.